

საქართველოს პარლამენტის აპარატი

48600000 - მონაცემთა ბაზისა და ოპერაციული პროგრამული პაკეტების
გამარტივებული ელექტრონული ტენდერით სახელმწიფო შესყიდვა

სატენდერო დოკუმენტაცია

ქ. ქუთაისი
2013 წელი

1. პრეტენდენტის მიერ სახელმწიფო შესყიდვების ერთიან ელექტრონულ სისტემაში ასატვირთი მონაცემები:

1.1. სატენდერო წინადადება დანართი №1-ის შესაბამისად.

1.2. ფასების ცხრილი დანართი №2-ის შესაბამისად.

* პრეტენდენტი ვალდებულია სატენდერო წინადადება და ფასების ცხრილი წარმოადგინოს სრულყოფილად შევსებული, დანართი №1-ისა და დანართი №2-ის ფორმით, უფლებამოსილი პირის მიერ ხელმოწერილი და ბეჭედდასმული.

2. ფასის გაანგარიშების წესი და ანგარიშსწორების პირობები:

2.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით განსაზღვრული, შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.2. ანგარიშსწორება მოხდება უნაღდო ფორმით, ლარში.

2.3. ანგარიშსწორება მოხდება მიღება-ჩაბარების აქტის გაფორმებიდან 10 დღის განმავლობაში.

2.4. საავანსო ანგარიშსწორება არ ხდება.

3. შესყიდვის ობიექტი, მიწოდების წესი, ვადები და პირობები:

3.1. შესყიდვის ობიექტს წარმოადგენს მონაცემთა ბაზის პროგრამული პაკეტი, რომლებიც უნდა მოიცავდნენ:

- საქართველოს პარლამენტის მიერ მიღებულ, კონსტიტუციურ კანონებს და ორგანულ კანონებს, კანონებს და სხვა სამართლებრივ აქტებს.

- საქართველოს პრეზიდენტის, მთავრობის, სამინისტროების და სხვა სახელმწიფო დაწესებულებების ნორმატიულ აქტებს (ბრძანებულებები, ბრძანებები, დადგენილებები, ინსტრუქციები, დებულებები, მითითებები, წერილები, ფოსტოგრამები და ა.შ.);

- საქართველოს რესპუბლიკის მთავრობის, მინისტრთა კაბინეტის ძირითად დადგენილებებს;

- საქართველოს საკონსტიტუციო სასამართლოს განჩინებებს და გადაწყვეტილებებს;

- საქართველოს აღმასრულებელი ხელისუფლების მიერ დადებულ და რატიფიცირებულ საერთაშორისო ხელშეკრულებებს.

ნებისმიერი დოკუმენტი უნდა იყოს როგორც საწყისი ტექსტით (ორიგინალი), ასევე მოქმედი რედაქციით (კოდიფიცირებული).

- საქართველოს პარლამენტის მიერ მიღებულ კონსტიტუციურ კანონებს, ორგანულ კანონებს და კანონებს რუსულ ენაზე.

- პროგრამის განახლება უნდა განხორციელდეს დანართი №2-ში (ფასების ცხრილი) მითითებული ოდენობების შესაბამისად, ახალი საკანონმდებლო და ნორმატიული აქტების მიღების გათვალისწინებით.

- განახლება უნდა განხორციელდეს ინტერნეტის საშუალებით, შემსყიდველის ელ.ფოსტის მისამართზე.

- პროგრამის ქართული და რუსული ვერსია (ქსელური და ინდივიდუალური) დაინსტალირებული უნდა იყოს: ქართული ქსელური ვერსია (სერვერზე), 300 მომხმარებლისათვის (USER-სათვის); ქართული ინდივიდუალური ვერსია 30 მომხმარებლისათვის (USER-სათვის); რუსული ინდივიდუალური ვერსია 10 მომხმარებლისათვის (USER-სათვის).

3.2. შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 2013 წლის 31 დეკემბრის ჩათვლით შემდეგ მისამართზე: ქ. ქუთაისი, ირაკლი აბაშიძის გამზირი №26, საქართველოს პარლამენტის სასახლე..

3.3. შემსყიდველის მოთხოვნის შემთხვევაში შესყიდვის ობიექტის მიწოდება უნდა განხორციელდეს ქ. თბილისში შემსყიდველის მიერ მითითებულ მისამართზე.

3.4. პრეტენდენტს არა აქვს უფლება წარმოადგინოს ალტერნატიული წინადადება.

4. დამატებითი ინფორმაცია:

4.1. პრეტენდენტს უფლება აქვს, შესყიდვის პროცედურებთან დაკავშირებით მიიღოს ინფორმაცია და განმარტებები შემდეგ მისამართზე: ქ. ქუთაისი, ირაკლი აბაშიძის გამზირი №26, საქართველოს პარლამენტის სასახლე, საქართველოს პარლამენტის აპარატის სატენდერო კომისიის აპარატი: ტელ.: (995 32) 2-28-90-81 (ზაურ ჯიოშვილი).

სახელმწიფო შესყიდვის შესახებ ხელშეკრულების პროექტი
(პირობები დაზუსტდება გამარჯვებული პრეტენდენტის წინადადების შესაბამისად)

ქ. ქუთაისი

2013 წლის _____

ერთი მხრივ, საქართველოს პარლამენტის აპარატი (შემდგომ – შემსყიდველი), წარმოდგენილი მისი უფროსის, ზურაბ მარაქველიძის, სახით და, მეორე მხრივ, _____ (შემდგომ – მიმწოდებელი), წარმოდგენილი მისი დირექტორის, _____, სახით, „სახელმწიფო შესყიდვების შესახებ“ საქართველოს კანონისა და მიმწოდებლის სატენდერო წინადადების საფუძველზე, _____ გამარტივებული ელექტრონული ტენდერის ჩატარების შედეგად ვაფორმებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

- 1.1. სახელმწიფო შესყიდვის შესახებ ხელშეკრულება (შემდგომ – ხელშეკრულება) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, ყველა თანდართული დოკუმენტით.
- 1.2. ხელშეკრულების ღირებულება – საერთო თანხა, რომელზედაც გაფორმებულია ხელშეკრულება.
- 1.3. შემსყიდველი – ორგანიზაცია, რომელიც ახორციელებს შესყიდვას.
- 1.4. მიმწოდებელი – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

- 2.1. მიმწოდებელი უზრუნველყოფს შემსყიდველს _____ ხელშეკრულების გაფორმებიდან _____ მდე.
- 2.2. ხელშეკრულებით გათვალისწინებული მომსახურების აღწერა და მიწოდების წესი მოცემულია ტექნიკურ დოკუმენტაციასა და ფასების ცხრილში (დანართი №2), რომელიც ხელშეკრულების განუყოფელი ნაწილია.

3. ხელშეკრულების ღირებულება

- 3.1. ხელშეკრულების ღირებულებაა _____ ლარი.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით განსაზღვრულ გადასახადებს.

4. ანგარიშსწორების ფორმა და ვადა

- 4.1. მოწოდებული მომსახურების ღირებულება ანაზღაურდება მიმწოდებლის მიერ საანგარიშსწორებო დოკუმენტაციის (ანგარიშ-ფაქტურა ან/და მიღება-ჩაბარების აქტი) შემსყიდველისთვის წარდგენის შემდეგ, უნაღდო ანგარიშსწორებით, ლარში, მიმწოდებლის მიერ მითითებული რეკვიზიტების მიხედვით.
- 4.2. ანგარიშსწორება ხდება შესაბამისი საანგარიშსწორებო დოკუმენტაციის გაფორმებიდან არა უგვიანეს 10 კალენდარული დღისა.

5. მიღება-ჩაბარების წესი

- 5.1. მომსახურება ან მისი ნაწილი მიღებულად მიიჩნევა მხოლოდ შესაბამისი საანგარიშსწორებო დოკუმენტაციის გაფორმების შემდეგ.

6. მხარეთა უფლება-მოვალეობანი

- 6.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ხელშეკრულებით ნაკისრი ვალდებულებების შესრულების ინსპექტირება.

6.2. შემსყიდველი ვალდებულია:

ა) ანაზღაუროს მიმწოდებლის მიერ მიწოდებული მომსახურების ღირებულება ხელშეკრულებით გათვალისწინებული ვადის და ხელშეკრულების პირობების დაცვით.

6.3. მიმწოდებელი უფლებამოსილია:

ა) მოსთხოვოს შემსყიდველს მიწოდებული მომსახურების ღირებულების ანაზღაურება ხელშეკრულებით გათვალისწინებული ვადის და ხელშეკრულების პირობების დაცვით.

6.4. მიმწოდებელი ვალდებულია:

ა) შემსყიდველს მიაწოდოს სათანადო ხარისხის მომსახურება სრული მოცულობით; ჯეროვნად შეასრულოს ხელშეკრულების პირობები ხელშეკრულებით გათვალისწინებულ ვადაში.

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების შესრულების ინსპექტირებას ახორციელებს შემსყიდველის მიერ გამოყოფილი კოორდინატორი.

7.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად მოწოდებული მომსახურების ხარისხის კონტროლს.

7.3. ყველა გამოვლენილი ხარვეზის გამოსწორებასთან ან ნაკლის აღმოფხვრასთან დაკავშირებულ ხარჯებს ანაზღაურებს მიმწოდებელი საქართველოს კანონმდებლობით დადგენილი წესით.

8. ხელშეკრულებაში ცვლილებისა და დამატების შეტანა და ხელშეკრულების შეწყვეტა

8.1. ხელშეკრულების პირობების, მათ შორის, ფასის, შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობები გადაისინჯება საქართველოს კანონმდებლობით დადგენილი წესით.

8.2. ხელშეკრულებაში ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა, რაც ხელშეკრულებას.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 5 (ხუთი) კალენდარული დღით ადრე, წერილობით ან კომუნიკაციის ელექტრონული საშუალებების გამოყენებით.

8.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა (ფორსმაჟორი)

9.1. მხარეები სრულად ანაზღაურებენ ბრალეული ქმედებით (მოქმედებით ან უმოქმედობით) მეორე მხარისათვის მიყენებულ ზიანს.

9.2. მხარეები თავისუფლდებიან ხელშეკრულებით ნაკისრი ვალდებულებების შეუსრულებლობით გამოწვეული პასუხისმგებლობისაგან, თუ მათი შეუსრულებლობა გამოწვეულია დაუძლეველი ძალით (ფორსმაჟორი). მისი არსებობის შემთხვევაში მხარე ვალდებულია წერილობით ან კომუნიკაციის ელექტრონული საშუალებების გამოყენებით აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.3. თუ ერთ-ერთი მხარე დაუძლეველი ძალის გამო ვერ ასრულებს ხელშეკრულებით ნაკისრ ვალდებულებებს, იგი ვალდებულია დაუყოვნებლივ, მაგრამ არა უგვიანეს მომდევნო კალენდარული დღისა, აცნობოს მეორე მხარეს მისი დადგომის ან/და დასრულების შესახებ. წინააღმდეგ შემთხვევაში შესაბამისი მხარე არ განთავისუფლდება ნაკისრი ვალდებულებების შესრულებისაგან.

9.4. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. მხარეთა პასუხისმგებლობა

10.1. ხელშეკრულების პირობების დარღვევის შემთხვევაში მხარეები პასუხს აგებენ ნაკისრი ვალდებულებების შეუსრულებლობისათვის ან/და არაჯეროვნად შესრულებისათვის, კონკრეტულ შემთხვევაში მიყენებული ზიანის ოდენობით, ურთიერთშეთანხმებით ან საქართველოს კანონმდებლობით დადგენილი წესის შესაბამისად.

11. ხელშეკრულების პირობების შეუსრულებლობა

11.1. მხარეები იღებენ ვალდებულებას, დაიცვან ხელშეკრულების პირობები.

11.2. ხელშეკრულებით ნაკისრი ვალდებულებების შესრულების ვადის გადაცდენის შემთხვევაში მიმწოდებელს ყოველი დაგვიანებული დღისათვის ეკისრება პირგასამტეხლო დროულად მიუწოდებელი მომსახურების ფასის 0,5%-ის ოდენობით.

11.3. თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს, შეწყვიტოს ხელშეკრულება.

12. დავები და მათი გადაწყვეტის წესი

12.1. ხელშეკრულების მოქმედების პერიოდში წარმოშობილი ყველა დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები უფლებამოსილნი არიან, დავის გადასაწყვეტად მიმართონ სასამართლოს საქართველოს კანონმდებლობით დადგენილი წესის შესაბამისად.

13. ხელშეკრულების ამოქმედება და მოქმედების ვადა

13.1. ხელშეკრულება ამოქმედდება მისი ხელმოწერის მომენტიდან და მოქმედებს _____ მდე.

შემსყიდველი

მიმწოდებელი

სატენდერო წინადადება

1. პრეტენდენტის რეკვიზიტები:

- ორგანიზაციულ-სამართლებრივი ფორმა და დასახელება:
- ხელმძღვანელის სახელი და გვარი:
- იურიდიული მისამართი:
- ფაქტობრივი მისამართი:
- საიდენტიფიკაციო კოდი:
- ტელეფონის/ფაქსის ნომერი:
- ელექტრონული ფოსტის მისამართი:
- ბანკის დასახელება და კოდი:
- ანგარიშსწორების ანგარიში:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

ამით ვადასტურებთ, რომ გაცნობილი ვართ „სახელმწიფო შესყიდვების შესახებ“ საქართველოს კანონსა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესს“ და ტენდერის მსვლელობის დროს ვიმოქმედებთ დადგენილი წესებისა და ნორმების ფარგლებში.

ფასების ცხრილი

№	დასახელება	პროგრამის განახლების რაოდენობა	ფასი	ჯამი
1	ქართული ქსელური ვერსია (სერვერზე), 300 მომხმარებლისათვის (USER-სათვის).	2013 წლის 1 იანვრიდან 2013 წლის 1 მარტამდე ყველა განახლება		
2	ქართული ინდივიდუალური ვერსია 30 მომხმარებლისათვის (USER-სათვის).			
3	რუსული ინდივიდუალური ვერსია 10 მომხმარებლისათვის (USER-სათვის)			
4	ქართული ქსელური ვერსია (სერვერზე), 300 მომხმარებლისათვის (USER-სათვის).	44		
5	ქართული ინდივიდუალური ვერსია 30 მომხმარებლისათვის (USER-სათვის).	44		
6	რუსული ინდივიდუალური ვერსია 10 მომხმარებლისათვის (USER-სათვის)	20		
			სულ:	